

## — 297 —

kreiffen vnd ziln die jarzal vñ, als vnser<sup>8</sup> buntniſſe geſchriben ſtat, vnd da wider ſüllent vnſer herren der herzoggen lüte, bi den herren vnd ſtetten, die in dirre buntniſſe ſint, och ſicherheit vnd ſchirm haben libes vnd guotes ane geuerde, ſwa ſi zuoz in komet. Doch ſol man wiſſen, weri das mir die in dirre buntniſſe ſint, ichtes ze rate wurden oder funden gemeinlich, das vns nütze vnd guot duchte, vnd das doch an diſem brief nicht geſchriben iſt, das mugen wir wol tun, ob es vns gevallet vnd nütze ald notdürftig dunket, vnd ſol das dirre buntniſſe enhein ſchade ſin. Doch iſt beret, das man nieman, der mit gerichtē begriffen wirt in einer ſtat oder in ein gerichtē, vnd derſelbe von dem gerichtē da mit er begriffen iſt, in ein ander gericht flüchtig wirt, das den weder vogt noch ſtat noch die andern, die in dirre buntniſſe ſint, emphahen noch ſchirmen ſüllent, wande mit dem rechten, vnd alſe, das das gerichtē ſo gegen ime angevagen vnd über in geloſſen iſt, für ſich gan ſol nach dem rechten an der ſtat, das es angevagen iſt ane geuerde. Doch ſint wir einmuotlich über ein komet, vnd hant beret, war vmbē ſich die vögte, ir ieglicher ſelbe ſibende, vnd die rete von den ſtetten, die ſich vmbē diſe buntniſſe erkennen ſüllent, erkennen bi ir eide, vmbē deheinerleye ſache dū für ſi bracht wirt, vnd icman der in dirre buntniſſe iſt, dar vmbē gemant wirt, das ſol man ane widerrede vnd vſzüge ſette han, vnd ſol man darzuo beholffen ſin als vorgeschriben ſtat. Doch ſel man wiſſen, das die herren von Waſil, diſe gelübde vnd buntniſſe geſworn hant, ſtete ze haltende mit allen gelübden vnd bünden vnd gedingen, als da vor geſchriben ſtat, vnd hant och diſe buntniſſe geſworn ſtete ze harde, hinnant ze ſant martinſtag, ſo nun neheſt komet, vnd von dannan über ein ganze jar vnd nicht fürbaſ, es were danne, das ſi diſū zil gerne lengeren wölten, vnd in dirre buntniſſe fürbaſ wölten ſin nach ir zil, ſwa ſi danne ir briefe gebent, das ſi diſe buntniſſe fürbaſ ſtete haben wellent, ſo ſol man ſi emphahen in diſe buntniſſe. Vnd hie über, das diſ vorgeschriben alles vnzerbrochen vnd ſtete vnd veſte belibe, bi den eiden ſo wir einander harombe getan hant,

Schreibers Urk. Buch.

20